

ایوبینگ گو جری نیو ز بلیٹن مو رخہ 08 فروری 2026

یوہ آکا شوانی جموں بے جاوید چودھری تے باغ علی طاہر تیں خبر سُنو۔ پہلاں خاص خاص خبر۔

*1۔ وزیر اعظم نریندر مو دی گو کہنو ہے جے دہشت گردی غے خلاف لڑائی مانہ دوست مُلکاں غا تعاون غی بڑی لوڑ ہے۔

*2۔ وزیر اعظم نریندر مو دی پہلک "پریکشا پہ چرچہ" غا اِس سال غی دوجی کڑی غا طور ور طالب علمان سنگ گل بات کریں گا۔

*3۔ ضلع ریاسی مانہ "جل جیون مِشن" غے تحت 100 فیصدی گُنبا نانہ نلکاں غے ذریعے پانی غی دستیابی غو ہدف حاصل کرن غی اِک نمایاں کوشش غے تحت ہُن توڑی 33 ہزار تیں متا گُنباں نانہ نلکاں غے ذریعے پانی دستیاب کرایو جا چکو ہے۔

*4۔ تے جموں کشمیر مانہ آئندہ گُج دیناں غے دوران زیادہ تر موسم خشک رہن غو امکان ہے، جد کہ اُچا پہاڑی علاقان مانہ کتے کتے موسم مانہ تبدیلی غی وی پیشنگوئی کی گئی ہے۔

خبراں غی تفصیل نال پہلاں باغ علی طاہر۔

PM Terrorism

وزیر اعظم نریندر مو دی نے آج کہیو ہے جے دہشت گردی غے خلاف لڑائی مانہ دوست مُلکاں غی مدد بڑی اہم ہے۔ ملیشیا غا وزیر اعظم اَنور ابراہیم سنگ کوالالمپور مانہ دوطرفہ گل بات غے دوران جناب مو دی نے زور دیتاں واں کہیو ہے جے اَمَن تے استحکام غو عظم غی سانج رکھن آلا شراکت داراں غا تعاون غی قیمت غو بھارت نانہ پورو احساس ہے۔ وزیر اعظم جیہڑا ملیشیا غا 2 روزہ سرکاری دورہ ور ہیں نے کہیو ہے جے بھارت تے ملیشیا غی خوشحالی غو برو قریبی تعلق ہے۔ اُنہاں نے کہیو ہے موجودہ عالمی استحکام غی صورتحال مانہ یوہ ضروری ہے جے دوئے سمندری گو انڈی اپنی شراکت داری غی صلاحیت غو پورو پورو استعمال کریں۔ اِس بارے گل کرتاناں وزیر اعظم نے کہیو۔۔۔ بانٹ۔۔۔

PM PPC

وزیر اعظم نریندر مو دی کل 9 فروری نانہ "پریکشا پہ چرچا" غی اِس سال غی دوجی کڑی مانہ طالب علمان سنگ گل بات کریں گا۔ اِس نشست غے دوران وزیر اعظم بورڈ غا امتحاناں بارے تیاری کرن آلا طالب علمان نانہ صلاح دی گا کہ کس راہ امتحان غی تیاری غے دوران ذہنی دباؤ تے دوجی للکاراں تیں بچيو جا سکے۔ "پریکشا پہ چرچہ" غی مجموعی طور ور اِس نوویں قسط مانہ شرکت غی خاطر گل 4 کروڑ 50 لکھ طالب علمان نے اپنا ناں درج کرایا ہیں۔ اِس سال غی اِس عنوان ور پہلی قسط گذشتہ 6 فروری نانہ ٹیلی کاسٹ کی گئی تھی، جس غے دوران وزیر اعظم نے طالب علمان غی طرفوں پُچھیا گیا کئی سوالاں غا جواب دتا تھا۔ ہُن پریکشا پہ چرچہ غی دوجی قسط غی شروعات پہلک سویر 10 بجائیں شروع ویگی۔

DLSA-Udhampur

ضلع قانونی خدمات اتھارٹی اُدھم پور نے ثالثی بارے قومی مہم 2.0 غے تحت بیداری عام کرن غا مقصد نال اِک اشتہاری مہم شروع کی ہے۔ جیہڑی جے جموں کشمیر قانونی خدمات اتھارٹی غی ہدایت ور شروع کی گئی ہے۔ اِس مہم غے تحت ڈی ایل ایس اے اُدھم پور غی طرفوں کئی تقریبات منعقد کی جا رہی ہیں

تاجے ثالثی 2.0 نانہ بابدو دتو جا سکے۔ تے کئی مشہور جگہاں بشمول ڈی سی دفتر، ضلع عدالتی کمپلیکس، رام نگر، مجالتہ تے چینی تحصیل غا کئی علاقان مانہ اِس بارے پوسٹر چسپاں کیا گیا ہیں، تے متعلقہ رضاکاراں اس غا فائداں تے اس غا عمل بارے عوام نانہ جانکاری دے رہیا ہیں۔ اِس بارے

مزید جانکاری دیتاں واں ڈی ایل ایس اے اڈھم پور غی سیکریٹری سو ماتی شرمائے اس طرح کہو۔۔
ہائٹ۔۔

DC Media Meet

پونچھ غا ڈپٹی کمشنر آشوک کمار شرمائے ضلع پونچھ غا اخباری نمائندگان سنگ ایک میٹنگ غے دوران میڈیا سنگ تعلق رکھن آلا معاملن ور غور کیو۔ میٹنگ غی صدارت کرتاں واں ڈپٹی کمشنر نے انتظامیہ تے پریس بشکار تعاون مضبوط بنان ور زور پایو۔ میٹنگ غے دوران اخباری نمائندگان نے میڈیا پہلی چارہ نانہ متاثر کرن آلا بکھ بکھ معاملن غو ذکر کیو۔ ڈی سی موصوف نے اس موقع ور بولتاں واں پہلی صحافت یعنی غیر ذمہ دارانہ صحافت نانہ ختم کرن غی ضرورت ور زور پاتاں واں صحافیاں ور زور پایو جے وے اپنا کم غے دوران اخلاقی معیار، سچی جانکاری مہیا کران تے ذمہ دارانہ صحافت ور کار بند رہیں۔ انہاں نے زور دیتاں واں کہو جے غلط اطلاع دین تے سنسنی خیز خبر مہیا کران سنگ عوامی اعتماد تے سماجی ہم آہنگی نانہ نقصان پُچ سکے۔ انہاں نے میڈیا غا نمائندگان ور زور پایو جے وے سماج واسطے اپنو تعمیری کردار ادا کریں۔ اُن غو کہنو تھو۔ ہائٹ۔۔

مزید خبراں نال جاوید چودھری ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گو ڈاٹ ان ور وی دستیاب ہیں، اس تیں یہ خبر مہاری (مو ہائل ایپ تے ڈی ٹی ایچ ور وی دستیاب ہیں)

JJM Reasi

بین غا صاف پانی تک عالمی رسائی غی جانب ایک اہم پیش رفت مانہ ضلع ریاسی نے جنوری 2026 تک جل جیون مشن غے تحت 37 ہزار 5 سو 78 غا ہدف غا مقابلہ مانہ 33 ہزار تیں متا پانی غا نلکہ مہیا کرایا ہیں۔ اس سلسلہ مانہ ضلع مانہ 63 منظور شدہ پانی سپلائی اسکیم وچوں 44 سکیم غا کم کاج نانہ مکمل کر لیا گویو ہے، جد کہ ان وچوں 15 اسکیم ور 75 فیصدی زمینی سطح غا کم کاج اور 4 اسکیم نے اس سلسلہ مانہ 50 فیصد پیش رفت حاصل کر لی ہے۔ اس مہم غو مقصد پانی غا بنیا دی ڈھانچہ نانہ مضبوط بنان اور اس سلسلہ مانہ آخری میل غا رابطہ نانہ یقینی بنان واسطے انتظامیہ غی توجہ مرکوز کوششاں غی عکاسی کرے۔ اس ضمن مانہ حکومت پانی سپلائی نانہ نلکاں غے ذریعے مہیا کران غا 100 فیصد ہدف نانہ یقینی بنا رہی ہے۔ اس سلسلہ مانہ ایکزکیٹو انجینئر جے جے ایم ریاسی نریش گپتا نے اس طرح کہو۔ ہائٹ۔۔

JK Tourism

5 فروری تیں 7 فروری بشکار جیو عالمی کنونشن مرکز ممبئی مانہ منعقد او ٹی ایم 2026 مانہ جموں کشمیر سیاحت نانہ بہترین ایڈونچر سیاحتی مقام غا طور چُنیو گویو ہے۔ جموں کشمیر محکمہ سیاحت غی طرفوں اس تقریب مانہ یوٹی نانہ سفر بارے ایک عالمی منزل غے طور بابو دین تے اس غی وسیع صلاحیت نانہ اُجاگر کرن واسطے حصو لیا گویو۔ ایشیا غی سربراہی سفر تجارت نمائش او ٹی ایم 2026 عالمی سیاحت متعلقین نانہ اکٹھو کیو تے سرمایہ کاری متوجہ کرن واسطے جموں کشمیر نانہ ایک بڑی تھار غے طور ور پیش کیو۔

ZPHQ- Training

زونل پولیس صدر دفتر جموں نے جموں زون گا مختلف شاخاں تیں تبادلہ کیا گیا پولیس اہلکاراں غی ایک ہفتہ غا تازہ دم تربیتی پروگرام غا دوجا بیج نانہ کامیابی نال انعقاد کیو۔ اس پروگرام غو اہتمام اہلکاراں نانہ پولیس غا اوپریشنل قانونی طریقہ کار تے تکنیکی پہلوں ور تا تا ریخ کران واسطے کیو گویو تھو۔ اس پروگرام مانہ نواں فوجداری قانون، خصوصی قانون سازی، پولیس سٹیشن منیج منٹ، سی سی ٹی این ایس اپریشن، سائبر جرائم تحقیقات اور انسداد دہشت گردی تے متعلق معلومات شامل تھیں۔ اس ملاقاتی پروگرام مانہ پیشہ وارانہ کارکردگی نانہ بدھان ور خصوصی تبادلہ خیال کیو گویو۔ اس سلسلہ مانہ مزید جانکاری مہارا ضلع نمائندہ۔ ہائٹ۔۔

Drug Free Ramban

نوجواناں غی کدمات تے کھیڈاں بارے محکمہ غی طرفوں ضلع رام بن مانہ "منشیات غی نفی کرو تے زندگی غو اُطف چاؤ" غا عنوان سنگ ایک پروگرام غو انعقاد کیو گویو، جس غو مقصد جسمانی سرگرمی غے ذریعے منشیات غو ایک صحت مند تے مضبوط متبادل تلاش کرنو ہے، تا نجے دماغی تے جسمانی تندرستی نانہ فروغ مل سکے۔ اس پروگرام غا انعقاد سنگ نوجواناں نانہ کھیڈاں در راغب ہون غی حوصلہ افزائی ویگی، تے منشیات غی رَغبت تیں چھٹکارو مل سکے گو۔ اس پروگرام غے دوران منشیات غے خلاف حلف برداری تیں علا وہ نوجواناں غی مقامی ٹیمیں مانہ مفت کٹ وی تقسیم کی گئیں۔ منشیات تیں پاک کھیڈ ٹورنامنٹ پورا رام بن ضلع مانہ کرایا جان نانہ فروغ دین غی خاطر یوہ سرکار غی طرفوں چلائی جان آلی مہم غو ایک حصو ہے، تا نجے منشیات تیں پاک صحت مند قوم غی تعمیر کی جا

سکے۔ کھیڈاں تے نوجواناں غی کدمت با رے محکمہ غا ضلع افسر جگدیش راج شرما نے اس با رے جانکاری دیتاں واں دسیو۔ بائٹ۔

Weather

جموں کشمیر مانہ موسم آن آلاں تیہاڑاں مانہ خشک رہن غی توقع ہے ۔ جد کہ اوچی تھاریں تھوڑی بہت تبدیلی آن غو امکان ہے ۔ محکمہ موسمیات غے مطابق اج موسم صاف رہیو جد کہ کل اور 10 فروری نانہ گج تھاریں ہلکی بارش تے برفباری ہو سکے۔ اور 11 تے 12 فروری نانہ خاص طور رور موسم خشک رہن غی توقع ہے ۔ اس سلسلہ مانہ محکمہ موسمیات غا اہلکار نے کہیو۔ بائٹ۔

اس غے نال ہی خبراں غو یوہ بلیٹن ختم ہوؤ۔

News Read by:- Javed Choudhary & Bagh Ali Tahir

News Editor:- Kunal Shrivatsa

DEO:- Alam Khan

Skilled:- Tarsem Lal